



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 429. Usque Ad Annum 483

**Fleury, Claude**

**August. Vind. [u.a.], 1759**

**VD18 90117816**

§. 9. Dioscori violentia.

---

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

quæ modo audiui, judico, Doctrinam Flavianiani Doctrinæ Cyrilli esse consentaneam. Sæculum V.  
A. C. 451.

Tum surgens transiit ad latus, quo stabant Orientales; illi exclamare: *Petrus Petri Fidem tenet! acceptissimus nobis venisti, Episcopo Orthodoxe!* p. 179.

Ireneus, Episcopus Naupactenus cum Episcopis Ætolia, Quintillus Sozon, tum cæteri ex Macedonia, & Creta Episcopi, aliique, quos inter etiam non nulli Ægyptii, Flaviani memoriam honorarunt, & ad partes Orientalium transierunt. Dioscorus, videns se deferri, dixit: *manifestum est, Flavianum ideo fuisse depositum, quod post conjunctionem duas Naturas defenderit; Textus Patrum, Athanasii, Gregorii, Cyrilli habeo, qui affirmant, post conjunctionem non esse defendendas duas Naturas, sed unam Naturam Verbi incarnatam. Unicum Patribus me rejicitis.* p. 182.

§. IX.

*Dioscori violentia.*

Uterius lecta sunt Concilii Constantinopolitani Acta, & Acta Recognitionis, quæ ut fieret, Eutyches impetraverat; tum prosecuti sunt lectionem Actorum Conciliabuli Ephesini, cui Acta Concilii Constantinopolitani inserta erant; Sup. lib.  
XXVII.  
f. 33.  
Conc. Calc.  
p. 233. p.  
249. p. 252.  
lecta quoque Basilii Seleuciensis Declaratio adversus eos, qui post conjunctionem duas Naturas admittebant, ubi retractat, O o quod

*Hist. Eccles. Tom. VI.*



Sæculum V. quod eas in Concilio Constantinopolita-  
A.C. 451. no admisisset. Cum hæc verba Calce-  
 done legerentur, Basilius dixit: non re-  
 quiro alios testes; Episcopum Joannem  
 rogavi, ut Declarationem meam corrigi  
 curaret, idque feci ex metu, a te incusso,  
 Reverendissime Dioscore! tunc enim nobis  
 vim maximam intulisti. Milites cum ar-  
 mis, Monachi, & Barsumas, Fossarii, mul-  
 tique alii, facto impetu Ecclesiam intra-  
 runt. Ab omnibus Episcopis juramentum  
 exigatur, interrogetur Auxonius Ægy-  
 ptius, Athanasius quoque interrogetur, an  
 verum non sit, hos ad te dixisse: non fa-  
 cias hoc, Domine! noli totius terræ Fidem  
 damnare! Dioscorus dixit: ego tibi vim  
 intuli? Basilius: sic est, intulisti! ad istam  
 abominationem coegisti, dum ingentis mul-  
 titudinis minas adhibuisti, postquam Beatus  
 Flavianus depositus fuerat. Vel ex hoc  
 intelligite, qua ferocia imperaverit ut  
 iste in illo Concilio, in quo solus domina-  
 batur, quod modo etiam, etsi plures Secta-  
 tores, quam sex non habeat, totum Conci-  
 lium perturbet. Peto, ut omnes Metro-  
 politæ ex Lycaonia, Phrygia, Perge, alii-  
 que, super Sanctis Evangeliiis edicant, an  
 vera non sint, quæ refero; Flaviano in-  
 ter illos tumultus deposito, tanta nos con-  
 sternatio corripuit, ut nec mutire aude-  
 remus; tuncque, quibusdam salutem in  
 fuga quærentibus, Dioscorus, in pedes eve-  
 nit.



Stus, dixit: audite! si quis subscribere recusaverit, huic mecum res erit! Eusebius interrogetur, & jurato fateatur, an non periculum Depositionis incurrerit, quod respondere paulum cunctaretur.

Sæculum V.  
A. C. 451.

Onesiphorus, Episcopus Iconiensis, dixit: post illa, quæ modo legi audivimus, Canon lectus est, ne quis ultra de Fide quamcunque quæstionem sub pæna Depositionis, aut Excommunicationis moveat. Dixi Episcopis, mihi proxime assidentibus, Canon iste in hunc certe finem legitur, ut deponendi Flaviani causa quæretur. Epphanus Pergensis ad me: hoc Deus nolit! sed si invidia non abest, Eusebius plectetur. Recitato Canone, statim Dioscorus: Notarii accersantur! allata est Flaviani damnatio, & recitata. Exsilio, alii me Episcopi rogati sequebantur, Dioscori genua amplexus sum, dicens: ne facias! per quidquid possum, obsecro! Flavianus Depositionis pæna dignus non est. Ipse de Sede sua surgens, & stans in scabello, in me insurgitis? Refractarii! adsint Comites! Itaque metu cogente subscripsimus.

p. 253.

Dioscorus dixit: mentitur! postulo, ut injuriam reparet. Ubi sunt testes? cumque Marianus, Episcopus Synnadenensis locuturus surgeret, Dioscorus ad eum: num ego minaciter dixi: Comites accersite! Marianus: cum videremus jam jam sententiam pronuntiaturum, surrexi, & mecum

Concilium  
Calcedo-  
nese.

002

Onesiphorus.



Sæculum V.  
A. C. 451.

*Onesiphorus, Nunnechius Laodicenus, alique, accessimus, pedesque eius manibus complexi, dicebamus: & tu Presbyteros habes, non est deponendus Episcopus propter Presbyterum. Tum dixit: & si scirem, linguam mihi e faucibus eripiendam, non mutabo sententiam. Supervenit multitudo, genua ejus supplices tenebamus, tuncque hoc verbum excidit: ubi Comites? intraverunt ipsi, & simul Proconsul cum catenis, sequente magna hominum multitudinem. Igitur singuli subscripsimus. Dioscorus multitudo illa nec centum, triginta, viginti, aut decem viris vincendis sufficeret. Producam testes, ex his, quæ dixit iste, nec unico verbo veritatem constare. Sed nimis fatigatur Amplitudo vestra; jubete, si placet, ut reliqua differantur.*

Magistratus insuperhabita Dioscori in speciem quidem humani, sed revera effugium quærentis admonitione, Lectorum Actorum continuari jusserunt; tuncque lumina inferri necesse fuit; inde conjicimus, id hora circiter sexta vespertina factum, quippe Calcedone habitantibus octava Octobris hora quinta, & triginta octo momentis sol occidit. Ubi

condemnatio Flaviani legi cœpta, Orientales exclamarunt: *Anathema Dioscorus illo tempore Flavianum deposuit, jam ipse Dioscorus deponatur! vindica injuriam Domine! diutissime vivat Leo! diutissime*



me vivat Patriarcha! Postquam omnia <sup>Sæculum V,</sup>  
 Acta Concilii Ephesini, & apposita Epis- <sup>A. C. 451.</sup>  
 coporum Nomina fuissent lecta, Magi-  
 stratus dixerunt: *Fides in proximo Con-*  
*ventu ampliori examini subjicietur. Cum*  
*vero ex Actis recitatis, & Confessione quo-*  
*rundam, qui in illo Concilio Principes fuere,*  
*appareat, Flavianum Sanctæ memoriae, &* <sup>p. 321.</sup>  
*piissimum Episcopum Eusebium injuria fu-*  
*isse depositos, æquum arbitramur, ut, si*  
*Deo, & Imperatori placeat, Episcopus*  
*Alexandrinus, Juvenalis Jerosolymitanus,*  
*Tbalassius Cæsariensis, Eusebius Ancyra-*  
*nus, Eustathius Beritensis, & Basilus Se-*  
*leuciensis, qui Concilio præerant, pœnam*  
*Talionis subeant, atque a S. Concilio se-*  
*cundum Canones Dignitate Episcopali pri-*  
*ventur. Omnia autem, quæ acta sunt, ad*  
*Imperatorem referri oportet. Orientales*  
*exclamarunt: æquum Judicium! Illyrici*  
*dixerunt: omnes peccavimus, omnes ve-*  
*niam rogamus! Tum Magistratus Episco-*  
*pos omnes monuerunt, ut Fidei suæ*  
*Confessionem liberrime conscriberent.*  
*Hoc modo primus Concilii Calcedo-*  
*nensis Actus finitus.*

§. X.

*Sessio Secunda.*

Ad Sessionem secundam sexto Idus  
 Octobris, nempe, decima ejusdem <sup>p. 532.</sup>  
 Men-

00 3

Men-